

اجتihad

اداره خانه

ایستانبول ، جفال اوغلنده

دائرۀ اجتihad

Idjtihad Constantinople

دوردنجی سنه

حریت فکریه به خادم

پنجشنبه کونلری چیقار اجتاعی ، ادبی مجموعه

مدیر مرخص : الرها می صفا

نفسه سی ۵۰ باره

آبونه

سنه ۱۱ آلتی آلیق

تورکیا ایچین ۴۵ غروش ۳۰ غروش

ممالک اجنبیه ایچین ۱۵ فرانق ۸ فرانق

مظهر اوله مامشدی . صوگ زمانلرده بر قاق طیب بعض
مشاهدات و تدقیقات اوزرینه بر طاقم نظریات احداث
ایتدیلر . ایتالیاده طورینو دارالفنونی معلملرندن چه زاره
لومبروصو بو فرضیه لری مشاهدات ذاتیه ایله تنویر و
« انسان داهی » عنوانیه پک زیاده شهرت بولان بر اثر
نشر ایتمشدر .

بو کتابک صوگ طبعه سنده مندرج فکر اساسی ایله
پارس طب دارالفنونی فیزیولوژی معلمی دوقتور ریشه نک
مطالعاتی ، اول باول ، اجمال ایده لم :

« اسکیدن دها بتون حواسک بر طرز آهنگدارده
تکاملنک نتیجه سی تلقی اولتوردی . فقط شو صوگ
زمانلرده دهانک بر منشأ عصی و صرعویسی اولدیغنه دأر
تدقیقات و تعمیقات پک ایلریلدی . بوتبعانکدن آکلاشلدیغنه
کوره دها ایله انتباهات مانیه (مانیاق) آره سنده
مناسبات واردر . دهانک مراکز دماغیه سنده معکوس
مبایاتلر موجوددر .

لومبروصونک مثال اولمق اوزره سرد ایتدیکی
داء الاعصابه مبتلا دها صاحب لرینک عدد آپک زیاده
و آنلره اسناد اولونان وقوعاتک حخته آز قریب اولدیغی
ادعا اولونمشدر . کذلک اعتراضاً بو کبی ذواتک حقیقه
داهی اولیوب آشانی یوقاری غیر طبیعی ذکا صاحب لری
اولدیغی ده درمیان ایدلمشدر . فقط لومبروصو ادعا ایدیورکه
پترارقا ، مانجونی ، پاسقال ، قولومب کبی لاجل المثال
سرد ایتدیکی اعظم حقیقه دهاتنددر . »

ذات حضرت محمد

حضرت پیغمبرک دهاسی

جلال نوری پک برادرمن (فخر کائنات) عنوانیه بر اثر
تاریخی قلمه آلمق اوزره در . اشبو اثرک اهمیتندن بجه لزوم
کورمه یز . ماهیت کتاب ، آتیده کی فصلدن آکلاشیله جقدر .

بو اثرمنده بر ادعای تاریخی ایلرییه سوردک .
محمدالامین تاریخک الک بیوک رجلیدر . بو جمله یی بر بشقه
شکلده افاده ایتک لازم کدرسه دیه بیلیرزکه حضرت
پیغمبر تاریخک ادراک ایتدیکی دهاتک برنجیسیدر .

بو ادعامن شرقکده ، غربکده خوشه کتمیه جکدر .
شرق ، صفت بشریه سی اوزرنده بوقدر اصرار ایدن
« سیدالبشر » ی هر نصله فوق البشر کورمک ایستیور .
غرب ایسه ، سائر فصائل منزه سویلیدیکمز اوزره
تاریخده کی موقع احمدی یی کوچولتور .

حضرت پیغمبرک دهاسی و تشخیص مزاج عصیسیله
اوغراشان مستشرقین ایچنده دوقتور شهره نکه رکن دینیه
خسته لق اسناد ایدیور . صرعه ، احتناق رحم و یا احتناق
رحم عضلی خسته لقلری ذات پیغمبرینک ماهیت
داهیانه سی تعریف ایچون میدانه قونمشدر .

دها ، اسکیدن ، فی ، تشریحی و فیزیولوژیائی بر توصیفه

دوقور ریشه بتون بوفرضیه لری خلاصه ایدرک دیورکه :

دها ایله جنون آرسنده کی مناسبات ، بو آرائق ، تدقیقات جدیه مظهر اولدی . اسکیدن بری داهیلک ایله دلیک آرسنده مناسبت اولدیغی سولنیردی . پروفور لومبروصو دهانک ده جنت کی ذکانک تردیسندن عبارت اولدیغی سولیکله اصلا داهی ایله مجنونی برعبارده طوتما . مشدر . داهیلرده ، مجنونلر کی علی العاده انسانلرک تشکیل ایتدیکی بشریتک خارجنده در . بونلرک برنجیلری بشریتک فوقده ، ایکنجیلری دوننده در . فقط هرا یکی قسم بر دکدر . هر جالده لایینیچ و وولتهر کی اعظم تیمارخانه لده بولونماز . دارالشفالری طولدیران بدبختلرک ایچندن اصلا بر ویتور اوغو و بر شکسیر چیه ماز . دهاتک صحت دماغیه لری بونکله برابر تام دکدر . و مجانینک تشکلات ذهنیه لرنده دهاته مخصوص بعض حواس روحیه بولونور . بناء علیه لومبروصونک these ادعاسی نجبه ثابت اولمشدر .

داهی ایله عقلی آدم و بونک ایله علی العاده انسانلر بینده قطعی حدود یوقدر . دهاته بولندقلری محیطلرده مستثنا تشکیل ایدرلر . کندیلرینک یاننده یاشایان انسانلرک فکرلرندن بشقه فکرلری اورتهیه قورلر . بونلر متشبت اولورلر و افکار و اقواللرنده ابداعیلک (اوریزینالیه) بولنور . بئم فکرجه برداهینک ال برنجی صفت میزه سی بوابداعیلکدر . دهاته هر کسدن ای کورور ، خصوصیه هر کسدن بشقه بر طرزده کورور .

داهی سائر آدملردن آریلیر و غیر طبیعی (و یا خود غیر قاعدوی) در . مجانینده بویه در . آنلرک سلسله افکارده ابداعیدر . بونلر ، اکثریا ، غایت کولونج بر طرزده صدد خارجه چیقارلر . عقله کلیان بعض شیلر دوشونورلر . دهاته ، اول باول ، محیطلری سکنه سندن بشقه درلر ؛ هر کس کی علی العاده بر صحت ذهنیه یه مالک دکدرلر . کندیلرینک فیزیولوژیک

و پسیقولوژیک نواقصی وارددر . بعضاً جوشارلر و کندیلری تهلیکه ایچنده ظن ایدرلر . بیوکک و یا قدسیت مراقبلره معلولدرلر . علی العاده متردیلری و یا مجنونلری چوق اولان عائله لره منسوبدرلر . بونلرک بر چوغی ذریتدن محرومدر ؛ یا خود چوققلری وجودجه و یا دماغجه موازنه سز چیقار . خلاصه داهی قاعده یه مغایر و مستثنا بر مخلوقدر . پاسقال ، اون بر یاشنده ، هندسه یی ایجاد ایتش . پاسقال اولق ایچون خسته اولمی . خسته دیمک ، لهجه مزده ، قاعده یه مغایر دیمکدر . لومبروصو بونلر ایچون Dégénéré متردی کله سنی استعمال ایده چکنه Progénéré دیسه ایدی دها طوغری اولوردی . (مع التأسف بوصوک کله یی ترجمیه قدرتیاب اوله مدق) عمومیتی اعتباریه دینه بیلیرکه داهیلرده ، مجانین کی ، بشقه بر طرزده یایلمش بر ذکایه مالکیتله دیگر انسانلردن تقریق ایدیلیرلر . آنلرده ده مجانین مثلاً او یغونسز ، مرضی علائم کوریلور . اعظمک فکر ثابتلری ، خرافاتی ، مراقلری ، خصوصی عاداتی فسق و فجورلری وارددر . کذلک کندی تشکلات تشریحیه لرنده تفاوتلر کوریلور . محاکمه لرنده ماینترلر وارددر . خیالت بین اولورلر . جنته قریب شیلر اراهه ایدرلر . کبر و غرور ، محسوس اولق ، حدت معنویه و اخلاقیه کندیلرینه خاصدر . خوف و امراض روحیه کندیلرنده بعضاً دائمی اولور .

بوفون ، دها اوزون بر صبردر ؛ دیمشدرکه بوفکر طوغری دکدر . اوزون بر صبر نتیجه سی دها آله ایدیه مز . صبر ، هیچ بروقت بر شاه اثر میدانه کتیره مز . دها غیر معتدلدر . کوریلورکه داهی آدمک فکرنده بر حساب سزاق ، بر فوق العاده لک و بر غرابت وارددر . غریبدرکه بوصوک خاصه مجانینده کوریلور . بیوک موجدلرده ، شاعرلرده فکر دنیلن شیئ غیر اختیاری اوله رق کلیر . بعضاً بوفکر عجیب و محیر العقولدر . سحیه اصلیه اعتباریه دلی ایله داهی آریلیر . دلیده تعقل سریع و غرابت نمدار . داهیده ایسه واضح و سلیس و واسعدر .

حق‌لیدر . ایشته بو ایکی شخصیت بر آدمده موجود بولنورسه اوبرداهی اولور ...!

لومبروصو اثرنده دیورکه، دها برداءالماغدر . دهاده بر چوق علامت تردی دماغ موجوددر . بونکله برابر بتون حواس ذهنیه‌سی بر توازن ارائه ایدن دهاده وارددر؛ فقط بولنرک غیر حساس اولمق کبی قباحتری کوزه چارپار . ریشلیو صرعوی ایدی . دهاده علی الاکثر جنت مغنویه ایله صرعیه تصادف اولنور . بعض دهاتده کی داءالماغ زیاده ، دیکر لرلنده آذرر . کیمیسنگ دهاسی چوجوقلغنده کورینور ، بعضیسنگ پک کچ تظاهر ایدر . موسیوفر دیناند بروتیه، انسانیتک اک بیوک مرتبه تجلیسی دها اولدیغندن دها دینلن شیء قوانینه تابع اولماز ؛ قدسیت ایله دها برر نوع شخصیت تشکیل ایدر که فنا حل ایدیله من ؛ دهانک خاصیت یکنه‌سی غرابت استعداددر ؛ دیهرک بویکی مسلك فنیه مخالفت ایدیور . قدیمده پیغمبر ایله مجنون عینی کله ایله افاده ایدر لر مش . عبرانیده (ناوی) [عربجه نبی] عینی زمانده پیغمبر ودلی دیمکدر . سانسقریت لساننده (نیغراط) کله‌سی بونک کبی ایکی معنایه کلیر .

لومبروصو وتوابعنک فرضیه‌سنه کوره داهیده ماده و معنأ ذهنأ وجسدا غرابتلر کورینور : قولاق اوزون اولور ؛ صقال نادردر ؛ دیشلر انتظامسزدر ؛ قفا پک بیوکدر ؛ الی آخره ؛ الی آخره . بوی قیصه در اکثریتله کمیک خسته لغندن مضطربدر . وجودجه نحیفدر ، قحف و دماغده غرابتلر مشاهددر . قیاس روحی Psychométrie اعتباریله داهی عوامدن آیریلیر . بصر حد معروفندن بشقه در . دهاده علی الاکثر دوچار عقامتدر لر . سرسری وغیر مدرک ، غیر حساس وغیر مسئول اولانلرینه ده تصادف ایدلمشدر . سائر فی‌الماملری وارددر . ملهم اولانلری ده اکسیک دکلددر . ایکی ویا زیاده شخصیه مالک اولان ، متناقص طبایعده بولنان ، کاه بر درلو، کاه بشقه درلو علامت ابراز ایدن دهاده کورلمشدر . حواسک

بشرک اکثریت قطعیه‌سی بر نیم رؤیا حالنده یاشار . بولنر اشیای محیطه‌نک مناسباتی درک ایده منر لر . تعمیق اقتدارینی حائر دکلددر لر . سطحی نظر در لر . خیالاته نقاد و صادق در لر . جریان وقوعاته تابعدر لر . فکر تنقیدی مالک دکلددر لر . دایر هر کسندن زیاده حقایق اشیای کوره منر لر . نهروال Nerval نظرأ مجانین حیات حقیقیی رؤیا ایچنده تلقی ایدر لر . مجانینده بو کبی قاجیقفلرک حدودی یوقدر . حقائق اشیاء نلره تأثیر اتمز . بر عکس اوله رق دهانک شدید بر قوه مخیله‌لی وارددر . علی‌العاده آدملرده ایسه بوکا تصادف اولنه‌ماز . بوفرط خیال ایله برابر آنلرک محاکمه و تنقید قوتلری ده پک زیاده در . ایشته بو ایکی قابلیتله دهاده مجانیندن آیریلیر . نتیجه دهدها، ایکی درلو آ کلاشیلیر : بر طرفدن داهینک بر قوه ابداعیه و خالقیه‌سی وارددر که بوده حارق قاعده در ؛ دیکر طرفدن محاکمه و تنقید استعدادی زیاده در . نووالیس Novalis کوره بر آدم شوق و شطارت و غلیان صاحبی اولمازسه بیوک بر ریاضتی اوله‌ماز . لاووازیه Lavoisier نک کشفیاتی غایت بسیطدر . بو داهی ملیونلرجه متبعت کورم‌دیکنی ، هر کون کوزلرینک اوکندن کچدیکی حالده نظر دفته آلمدیغنی کورمش و بتون فن کیمیایی حوصله‌سنه صیقلیدر مشدر . بشقه‌سندن قاچان لاووازیه دن قاچه - مازدی . بونکله برابر لاووازیه‌نک فکر تنقیدیسی پک یوکسکدی . بر فرضیه در میان ایتک پک ایی بر شیئدر ؛ فقط بوندن صکره تجربه لازمدر . بر فکره مربوط اولماق ، محاکمه ایتک ، ایشته دهانک خاصیت ممتازه‌سی بودر . دون کیشوت افسانه‌سنده کی شوالیه دائماً ظنون و خیاله تابعدر ؛ خیالی حقیقت یرینه آلیر ؛ رؤیا سندن بشقه بر شیئ کورمز ؛ دنیاده سائر فی‌المنام کی طولاشیر ؛ موهموی تقریق ایده منر . ایشته بو آدم فکر تنقیدی مالک اولمادیغندن دلیدر . حالبوکه زواللی شوالیه‌نک یانینده طولاشان سانچو علی‌العاده بر آدمدر ؛ فکر تنقیدی به بر آز مالکدر و دائماً دون کیشوته قارشی

عوام یونی مسدرك اولاماز . وبوكا الهام وحی نظریه
باقار . كندی مطالعه نجه لومبروصو وهمالری دهانك
یالکز امراضی کوره یلمشلدردر ، ذات دهای دکل .
ریشه نك فکری یا کاش دکلدر :

دها قوه ابداعیه ايله فکر تنقیدینك مرتبه قصواسیدر .
فقط قابلیت ايله شیعه تنقید ندر ؛ اصل مسئله بودر .
روح شناسلر تدقیقلرینی بونقطه دن یورتملی ایدیلر .
کله صددمزه :

ادعاه کوره حضرت محمدالامین غیر مریض داهیدر .
کندیسنه الك بیوك انسان رتبه سنی لایق کوردیکمزدل
آنك ذکا ودهاسنده بر بشقه لاق کورمکده یز . دها
فوق العاده بر ذکادر . جناب پیغمبر ایسه تام معانیله
غیر مریض ، غیر معلول داهی آموزجیدر . حلیه
رسالتپناهیی بوتاریخمزه درج ایدوب مهمما ممکن شکل
احمدی بی نظرلرده تجسم ایتدیرمك ایسته دک . فقط
بوندن صرف نظر ایتدک ؛ چونکه آلد موجود حلیله
مثلا حلیه خاقانیه اولان اعتمادمن بر درجه یه قدر زائل
اولدی . کوزدن کجیردیکمز شمائل نامه لرده هر نه موجود
ایسه ، مع الاسف ، جانشزد . بونلر هر عضو بدن
غایوی وطیعی بر شکله ابراز ایدیور . بوعناصر ايله
شکل احمدی بی جانندیره میورز .

یالکز شوراسنی آکلیورز که محمدالمصطفی غیر تام
وغیر طبعی بر وجوده ویا اعضایه مالک دکلدی . لومبرو
صونك فرضیه سی بوراده بر آر طویلالار . جناب سیدالمشیر
فطره وبر مقتضای دهانت عصبی المزاج ایدی . آثار
پیغمبری ایچنده بومزاج عصبی بی کورمك اسهل اموردر .
هر جمله ده بر روح عصبی کنیدیسی کوستر . نسیاه زیاده چه
رغبت ده عینی مزاج عصبینك نتیجه سیدر . بو حال عصبی
- که بر حالت مرضیه دکلدر - کوچك یاشندن بری
حتی سود نه دهه ایکن حضرت پیغمبرده کوریلوردی .
والده لرینك ده غایت سیکیرلی اولدینی روایت اولمقد در .
اغلب احتمال عصبیلک جناب رسالتپناهیده ارشیدر .

فعالیتی ، بعضاً ، علی العاده دکلدر . دام الغومه مبتلا
اولوزلر . صاحبه صابان سویلرلر ویا غیر معقول حرکاته
بولتورلر . ابداعیدرلر . خصوصی کلهلر ویا یازیلری اولور .
دها ، چوق دفعه صرعه ايله مترادفدر . دها ايله کدر
بك زیاده اشلاف ایتمکده در . دهاته عظمت مراقه
مبتلادر . آرهلرنده شبهه دلیلکی واردر .

ایچکیدن خوشلانیرلر وداء الکسوله مبتلا دهاته نادر
دکلدر . خالیت واهام کورورلر . جنت معنویه و اخلاقیه یه
دوچار اولانلری ، چوق یاشایانلری واردر .»

خلاصه کلام بر وفسور چه زارده ، لومبروصور چوق
امثله ايله بو ادعای ایلری یه سوریور . قرئین کرام شوراسنی
بیلمیدرلر که ایلری سوریلن بومطالعات بر فرضیه ماهیتده در .
هنوز فن دنیلن شی ذکا ودهایی بر تعریف آلتنه آلامه مشدر .
لومبروصو و مسلمکنه سالک اولانلرک جمع وتلفیق ایتدکاری
معلوماتدن بلکه آتیده بر فن دها شناسی Geniologie
حقیقه ییلر . پسیقولوژی هنوز اوان نشأئنده اولدیغندن
بوبابده قطعی بر فکر درمیان ایدیله مز .

ظن ایدرم که ایتالیان معلمی دهانك یالکز جهت
مرضیه سنه حواله اعتبار ایتش وکنه دهای اونو تمشدر .
مع مافیه تبعاتی ایچنده جای نظر واعتبار بر چوق شیر واردر .
مطالعه ذاتیه مز شودر : دها بر دکلدر وظن ایدرم که
یالکز بر شکله منجلی اولماز . آنك ایچون بر چوق
مشاهدات وتدقیقات اوزرینه طبی Synthèse لره
کیریشه نك هنوز وقتی کلامشدر . ینه ظن ایدرم که غیر مرضی
دها اوله ییلر . قوای دماغیه والیاف عصبیه نك فوق العاده
تکاملی مرض تولید ایتهدن دهاییه منجر اولمق احتمال
داخنده در . بلکه دهاته مخصوص اولان بر طاقم متنوع
استعدادلر کنیدلرینه دیکر لرینه کورولین شیرلر کوسترلر .
فقط هر حالده دهانك اعصابك بر شکل مخصوصی اولمق
اوزره تلقیسی ضروریدر . دها قوای عصبیه نك افراطیدر .
ذاتاً (نورمال) داهی اوله ییله جکینی لومبروصوده تصدیق
ایدیور . داهی ايله کنه الاشیا ییننده بر مناسبت حسیه واردر که

بك ايركن خيالت بين اولورلر ؛ پيغمبره كلنجه مشاراليه استغراقاته طالديني وقت ياشي قرقدن زياده ايدى . اوزمان افكار دينيه سنه طالمشدى . ابدیت روح و آخرت ذهني اشغال ايتمكده ايدى . چوق دفعه لر اويقوسى خيالتلره ياریده قاليردى . حالا دوزى سويليور :

ايسته بوغليانلي حالده ، عائله سيله ، امراروقت ايدرکن « حرا » طاغنده بولونيوردى .

آلتی آیدن بری روخنده جايکیر اولان فورطنه لر زياده لشدی . بو خالده ايکن دعا ورياضت ايدیوردی که بوکي شيلير بالطبع جذبه لری آرتديرر . حدید المزاج اولمشدی و برانزو اکاه آريیوردی . ايشته بو طاغده ، منزویانه مطالعات و استغراقاته قاووشه بيليردی . ايشته اوراده محمده وحی کلدی . بوزمانه قدر محمدك مظهر وحی والهام اولديني شبهه کتورمن . محمد اوزمان صادق ايدى . خيالتلره و «پاولوس» کبی کنديسنك رسالت سنيه سنه اينانيردی . عادى بريالانجي ، بروضع دين اوله ماز . اکر محمد صميمي وشدید بر قناعت صاحبي اولمسه ايدى اون سنه بو قدر جفايه قاتلانهمازدی .

جناب سيدالبشره تطبيق ايدمك ايستيلان بولنظريات فيه يني تدقيق و تنقيد ايدمه :

احتقاق رحم عضلينك وصرعه نك علائمي آله بولونان بتون و نائقه ، ولو تصادف طريقه اولسون ، كورميورز . صرعه نك علائمي الك صوك Dr. Regis ك اثرندن تعقيب ايتدم . سيرلرده وسائر كتابلرده پيغمبرك حسب البشريه ك رفتار اولديني خسته قفلر سرد ايدلديكي حالده تردى عصبي نتيجه سي اولان بو ايكي مرضك ايزى كورولميور . اوان بعثته جناب رسالتمآ بده وجد حالى مشاهددر . فقط بو حالت بر مرضه منقاب اولان نوعدن دكلدر . پيغمبرده ايلك زمانلرده ، دوزى ، خيالت ينلك كورميور و صكره لری بومرضى غائب ايديور ويا وجود وعدمنده شبهه ايديور . هر حالده ايلك زمانلرده معهود خسته لفي هر درلو شبهه نك فوقده محقق عد ايديور .

«شپره نكدر» (كه طيب ايدى) و «دوزى» ، حتى «ره نان» محمدالمصطفائي معلول تصور ايدرلر . صرعه يني «بارته له مى» «سفتياه» انكار ايديور . خلاصه ادعا ايديورلر كه شپره نكدره كوره بو مرض احتقاق رحم عضليدر . بو خسته لى ار ككلاردن زياده قادينلرده كوريلور . رعشه خفيف اولديني وقت بو خسته لغه خاص اولان عضلاتك توسع و تقلصى حادثه سي مشاهده اولنور ؛ دوداقلر وديل دتره ؛ كوزلر بعضاً بر طرفه ، بعضاً ديكر طرفه كيدر ؛ باش كنديلكسندن صاللانير . عيني زمانده باش آغريلرى ده حس ايدر . رعشه شديد اولونجه دامالجمود كلير : خسته يرلره دوشر ؛ يوزقيزاير ؛ تنفس كو جلشير . بويه بر مريض شخصيتنى غائب ايدر سه او حالده صرعه يه طوتولش اولور . ايشته ايكي مرضك فرق بودر . بو خسته لغك خصوصياتندن برى ده مريضك كنديسنى بشقه سي ظن ايتمسيدر . مرض طرفدارلرى ذات نبويده بواحتقاق رحم عضلي يني كورمك ايستيورلر . ينه ادعالرينه كوره وجه نبوى صاراديرمش . بر دتره مه كلير ، رعشه بيد اولور و قالين تر دانه لرى بحرانك باشلا ديغنى كوستررمش . بعضاً ، بوکي مرضاده ، خسته لى مادی اولمقدن زياده خيالى برشكده رونما اولورمش . بونك ايجوندر كه احتقاق رحم مبتلاسى قادينلر موسيقي و سائر اكانجه لرله تداوى اولنورلر . شونلاين Schenlein د نظر آيسته ريقلر يالانجي و الداييجي اولورلر . بر درجه يه قدر كنديلرى ده آلداديرلر . «دوزى» ديور كه حضرت پيغمبر اوائل رسالتندن صكره كندى وجدانه قارشى نه قدر صادقدى ؟ بوراسى كسدير . ياهمز ؛ وهر حالده شوراسى ادعا اولونه بيلير كه اوان بعثتده كندى كندينه صادقدى . فلمنكلى معلم پيغمبر كندى رسالته قانعى ايدى ، دكلىدى ؟ سؤالنى موضوع بحث ايديور و بونك علمته ده ، لهنده دلائل اولديني درميان ايديور . «دوزى» يه كوره احتقاق رحم مبتلا لرى غايت شهنوانى ، غايت غليسانلى اولورلر ؛ اويانيق ايكن رؤيا كورورلر ؛ خيالت بين درلر ؛ وجد و استغراقه طالارلر ؛ بعضيلرى

بز عكسنى ادعا ايده جكر : بعثدن ارتحال نبوى يه
 قدر اعمال و افكار پيغمبريده بر ذاتك بر آن عمرنده
 خيالت بين اولمى و آندن صكره خيالت بين مرضنك
 كچوب شو قدر واركه خيالت كلديكى زمانده كى افكار
 و اعمالنك دوامى متصور دكلدر . هر ايكي زمانده كى
 شخصيت محمدده عموميتى اعتباريله فرق يوقدر . هرايكي
 قسم حيات نبويه ده كى آراو افكار محمديه ماهيتى اعتباريله بر در .
 افكار نبويه ده غليان چوقدر . فقط سلامت رأى
 و خصوصيله اطراد و ازان جمله ديپلوماسى پك زياده در .
 حضرت ابوالقاسم هر نه يامش ايسه جمله سنى بيوك بر
 تدبير سياسى ، بيوك بر ديپلوماتيكله يامشدر . اكر «دوزى» نك
 زعم ايتديكى كى سيدالبشر خيالت بين اولسه ايدى
 آنارى اصلا بر ديپلوماسى و سياست سلسله سى تشكيل
 ايتزدى . خير ! خيالت بينلكى اصلا قبول ايده مه يز .
 و حضرت محمدك حياتى عيسى بن مريمك ، نصارآنك نقل
 و روايت ايتدكلى - طوغرى ياكش - حياتنه بكمزه مه يز .
 حيات بينلكده ، دهاء مرضيده اطراد سزلكلر ، عظيم
 و كوزمه چارچاق تناقضلر ، يأس و غم حاللرى ، مه لائقولى ،
 مثنى شخصيتلر ، غير معقول و مفرط حدتلر ، هيچانلر
 چوقدر . حالبوكه حيات محمديده من الاول الى الاخر
 شايان حيرت بر اطراد وار . حيات احمدينك بر قسمنى
 ديكرى نقض ايتيور . خسته لق اولمق اوزره يأس و غم ،
 مه لائقولى كوريله ميور . شخصيتى غائب ايتك ، بر قاچ
 شخصيته مالكيك ادعا سنده بولونمق كى غرائبده هيچ
 بر شيدن استدلال اولونميور . سيدالبشر كلهنك معنائى
 غير قرآنيسيله پك شاعر ، حتى حديد اولدينى حالده
 هر كسدن زياده ذاته حاكم ايدى . بوصفت مزيا سندن
 برى و بلكه اسباب موفقياتندن برنجيسيدر . حالبوكه
 حالت مرضيده بويله شيلر كورولمز . نفسنه حاكم مريض
 دهاته فى الواقع چوقدر ؛ فقط بوكامقابل او كى كيمسه لرك
 دهها بشقه احوال مرضيه سى كوريلور .
 پيغمبرك مصدر فوق العاده كيسى عقليدر . محمدالامين

عقلنك رهبرى تامى ايله حركت ايتشدر . انديشه وضعف قوا
 اصلا پيغمبره حاكم اولما مشدر . فم نبويدن صادر اولان هر سوز
 بر عمل دماغى نتيجه سى اولوب اصلا و قطعا غير مدرك
 بر شخصيت مرضيه نك اثرى دكلدر .

اعصاب نبويه نك قوتى دهائى محمدينك موليددر . نور
 نظر پيغمبرى ماورائى اشيا و وقوعاته ، عمق روحيات
 ائمه نفوذ ايتشدر . حواس رسالتپناهينك جياتى سرنبوتى
 توضيح ايدر . اعصاب فوق العاده سى ، ذكاى خارقه ناسيله ،
 البته ، سيدالبشر درين استغرايه طالاردى . البته منظره
 كائنات ، خصوصيله مسئله روح آنك حوصله سنى دهها
 زياده اشغال و رعهشه ناك ايدردي . بشقه لر ينك كورمه ديكي
 بر طرزده لوحه عوالم آنك شخصيت قوميه سنه منعكس
 اولوردى . حيات ، موت ، سر اشيا ، مسئله تكوين ،
 اسرار كونا كونا روح محموده عكس انداز اولدينى وقت
 فى الواقع اوراده بلكه هيچ بر فرد آدمينك شاهدهى
 اولدينى تلاطملر قوپاردى . ايسته جبل حراده و خي
 بر جوق و قتلر جمعيت آرمه سنده ، حيات ليليه سنده و بلكه
 رؤيا سنده بو عضلات اسرار آنك ذكاى هايوننه استبلا
 ايدروايشته او وقت « بنى اورتيكز » امرينى ويرردى .
 جسمنه صيغه مازدى . فقط تكرر على التكرار ادعا ايده لم .
 بو بر حالت مرضيه و بر نتيجه تردى دكلدى . اويله
 اولسه ايدى ، هر جذبه صاحبي كى ، حبات خاتم الانبيا
 بر سلسله تخيلات اولوردى . محمدالمصطفى اصلا متصوف
 دكلدى . زواللى متصوفه ايله محمدالامين كى اولوالعزم
 بر صاحب سياستك ، اينجه بر ديپلوماتك ، ماهر بروضع
 ديانتك حياتلرى آرمه سنده عظيم فرق واردر . مجذوب
 محى الدين عربى و ييچاره جلال الدين رومى كى درويشلر
 نرده محمدالامين كى شهبازان ميدان اجراءات نرده ؟
 چوق تكرر ايتديكمز حالده ينه سويليم : خريستيان
 ارباب تقبى پيغمبر انموذجى اولمق اوزره عيسايى
 كوريبورلر و بلكه بلا اختيار سير نبويه ده دائما بر اثر
 خيالت بينى آرييورلر . كذاك دهانك شرائط مرضيه سنى

بالعكس آرتە جق وقرندن قرنه كیده جك اولان بر عزیم وارادت یر آتمشدر . زمان محمدیده کی محیط سطحی وسفیل ایله ذات احمدی آرسنده نه بیوک فرق وار !

نتیجه کلام : جناب آمنةك طوغوروب حلیمهك ید ضراعتنه تودیع ایتدیکی یتیم ، الحق ، یوم تکیویندن بوکونه قدر بشریتك یتشدیردیکی وکره زمینك بیوتدیکی چو جقرك الكمدهش ماده سنجاییه مالک نمونه سیدر .[*]

مهرل نوری

دیلله اقرار، قلبله تصدیق ایده رم ،

که بزده محافظه سنه کمال عصیتله صاریلایه لایق عنعنه یوقدر . عنعنه بیر قاچ بطنك مشترکاً ومتعاقباً مالک ویا مملوک اولدینی اعتیاد معشری دن باشقا بیر شی دکلدیر .

اعتیادلری زمان و مکان وجوده کتیریر وبوزمان و مکان تعدیلاته اوغرا دجه ، بومعشری [یعنی فردی دکل بیرکومه انسانلرک مجموعنه عائد وشامل] اعتیاددخی تدریجاً دکی شیر . دکی شمه دیکی حالده ، اوزره رینه اجرای تأثیر ایتدیکی عضویت اجتماعیه نك عافیتی بوزار .

بیر مثال ایله بوقضیه یی ایضاح ایده یم : تورکلکك ، دهاها عمومی ومحیط بیر تعیرله عثمانلی نك الك زیاده موجب وموضوع افتخارعدایتدیکی عنعنه لرندن بیریده « مسافر پرورلک » در .

مسافر پرورلک هیچ شبهه یوق ، بدویت دورینك فضائل ضروریه سندن ایدی . تعیریه دقت اولونسون

[*] ألدۀ مهم وثائق اولمديغندن اون اوچ عصر صکره نوع دهای احمدی حقنده فی برمطالعه نامه قلمه آقندن عاجرز . دهای عمدی یی یالکز آثارندن استبدال ایدیورز ؛ ذات دها بزم ایچون بر سردر . امراض نبویه حقنده ده برشی سوبلیه . میه جکزر . یالکز اسناد اولونان اصراضی رد ایتدك . پروفور لومبروصونك کتایبده محمدالامینه دائر بش آلتی فقره وار . بونلری برکوزدن کچردك . شایان اهمیت . بولمديغمزدن نقلندن بیله صرف نظر ایتدك . علاوه شونی ده سوبلیه لم که اوروپا نك متجاسر وغبور روح شناسلری ایچنده امراض محمدیه نظرأ دهای بیغمبرینك علائم باتولوژیقیه سی تعریف ایده جك هنوز کیسه چیقماشدر .

تحریر ایدنلر هر وقت فوق العاده ذکالرده علائم مرض جست وجو ایدیورلر . ایشته بویکی نوع نظریه یی ردایچون ذات بیغمبری یی ومعرض مثاله سردایتمك کافیدر . محمد مصطفی فطرت داهیانه سی نقطه نظرندن عصبی بالطبعدر . اکملیت تشکلات عصبیه سی ذکای شاذینی تولید ایتمشدر . بوذکا مرضی اولمديغندن بونك نتیجه سی تاریخ الکتام واک بیوک رجنلی کورمشدر . جناب محمد ومعنای کائناتی بلا ترجمان اکلامشدر . کذلک روحیات بشری ، حوائج حالی ، احتیاجات استقبالی طبیعیه کورمشدر . هرکس کبی کوزلری سطحیات ایله ، ظواهر اشیا ایله مشغول اولمديغندن حقیقی کورمش ، حتی ألیله طومش وآنی نوع بشره ، الک سیاسی بر طرز واسلوبده تبلیغ ایتشدر : اوت ! حضرت محمد جناب (حق) ی کورمشدر ! بوکا شبهه ایدلما ملیدر . اگر بو اسرار آمیز وفوق العاده اولان ملکات دماغیه نبویه یی اونوتورده یالکز لومبروصوکی ، دووقور طولوز کبی هر داهینك جسمنده ، اثرنده خسته لق قیرپنتیلری آرار ایسه ک او دهانك ماهیتنی اونوتورز : قایینی قورتارلم دیرکن کمی یی باطیررز !

بیغمبر حریم حقیقته ایدی . عوامدن بری ، خواص قدر کوره مز . سیدالبشر کبی بر انموزج مستتا ایسه خواصك کوره مدیکنی کورور . حتی محمد بن عبدالله یالکز حریم حقده بولونمقله قالمدی . چونکه چوقلری ، زمرة دهاته ایچنده ، یالکز کورورلر وسویلرلر . ویایازارلردی . طالبوکه خاتم الانبیا هم کوردی ، آکلادی وهمده استقباللرده نافذ اوله رق ونبض بشریتی یوقلابه رق علمك الک بیوک انقلابی یابه جق درجه ده خارقه نما بر فعالیت کوستردی .

بیغمبردن زیاده ، هر شعبه وهر موقعه اتم واکمل برذایت کوره میورز . دهانك منحصر آغیر مرضی اولمديغنه ذات رسالتپناهی بر برهاندر . نور نظر احمدی بر دین ، بر ملت ، حل وعقده ، حرب و ضربه قادر بر زمرة اصحاب ، بر دولت قوی الشکیمه واستقبالده طاغیلمیوب